

燕間清賞牋下

增補遵生八箋

江左書林印行

弦雪居遵生八牋卷之十六

燕閒清賞牋 下卷

瓶花三說

古杭高廉深甫氏編次

瓶花之宜 高子曰瓶花之宜有二用堂中插花乃以銅之漢壺大古尊壺爲大瓶如古耳壺宜
廠瓶或龍泉書草大方瓶高梁兩傍或置几上與堂相宜折花須擇大枝或上竄下瘦或左高右低右高
左低或兩蟠台接偃亞偏曲或挺露一幹中出上簇下蕃鋪蓋瓶口令俯仰高下疏密斜正各具態態得
畫家寫生折枝之妙方有天趣若直枝鬚頭花朵不入清供花取或一種兩種薈薇時即多種亦不爲俗
冬時插梅必須龍泉大瓶家密廠瓶厚銅漢壺高三四尺已上投以疏黃五六錢欬大枝梅花插供方快
人意近有饒蜜白瓷花尊高三二尺者有細花大瓶俱可供聖上插花之具製亦不惡若書齋插花瓶宜
短小以官哥胆瓶紙槌瓶瓶頸頭瓶花觚高低二種八卦方瓶茄袋瓶各製小瓶定窑花尊花囊四耳小定
壺細口匾肚壺青東磁小著草瓶方漢壺圓瓶古龍泉蒲槌瓶各密壁瓶次則古銅花觚瓶解小尊鑿方
壺素溫壺匾壺俱可插花又如饒蜜宣德年燒製花觚花尊蜜食罐成窑嬌青蒜蒲小瓶膽瓶細花一枝
瓶方漢壺式者亦可文房充玩但小瓶插花折宣瘦巧不宜繁穠宜一種多則二種須分高下合插儼若
一枝天生二色方美或先湊簇像生即麻絲根下縛定插之若彼此各向則不佳矣大率插花須要花與
瓶相稱花高於瓶四五寸則可假如瓶高二尺肚大下實者花出瓶口二尺六七寸須折斜兄花枝鋪撒
左右覆瓶兩傍之半則雅若瓶高瘦卻宜一高一低雙枝或屈曲斜長較瓶身少短數寸似佳最忌花瘦
於瓶又忌繁穠如縛成把殊無雅趣若小瓶插花令花出瓶須較瓶身短少二寸如八寸長瓶花止六七
寸方妙若瓶矮者花高於瓶二三寸亦可插花有態可供清賞故插花佳畫二事是誠好事者本身執役
宣可托之僮僕爲哉客曰汝論僻矣人無古瓶必如所論則花不可插耶不然余所論者收藏鑑家積集
既廣須用合宜使罷得雅稱云耳若久無所有者則手執一枝或採滿把即插花水鉢壁縫謂非愛花人

歟。何論瓶美惡。又何分於堂室二用乎哉。吾懼客嘲熟矣。具此以解。

瓶花之忌 瓶忌有環忌放成對忌用小口甕肚瘦足藥罈忌用葫蘆瓶凡瓶忌雕花粧彩。花架忌置當空几上。致有顛覆之患。故官哥古瓶下有二方眼者。為穿皮條縛於几足。不令失損。忌香烟燈煤燭觸忌。猶鼠傷殘。忌油手拈弄。忌藏密室。夜則須見天日。忌用井水貯瓶。味鹹花多不茂。用河水并天落水始佳。忌以插花之水入口。凡插花水有毒。惟梅花秋海棠二種毒甚。須防嚴密。

瓶花之法

牡丹花 貯滾湯於小口瓶中。插花一二枝。緊緊塞口。則花葉俱榮。三四日可玩。芍藥同法。一云以蜜作

水插牡丹不悴。蜜亦不壞。

戎葵 鳳仙花 芙蓉花 槿花 以上皆滾湯貯瓶。插下塞口。則不憔悴。可觀數日。

梔子花 將折枝根槌碎。擦鹽入水。插之。則花不黃。其結成梔子。初冬折枝插瓶。其子亦色。儼若花。蓋可

荷花 採將亂髮纏縛折處。仍以泥封其竅。先入瓶中。至底後灌以水。不令入竅。竅中進水。則易敗。

海棠花 以薄荷包枝根。水栽多有數日不謝。

竹枝 瓶底加松枝 靈芝同吉祥草。俱可插瓶。後錄四時花紀。俱可插瓶。但以意巧取裁。花性宜水宜湯。

俱照前法。幽人雅趣。雖野草閒花。無不採插。几案以供清玩。但取自家生意。原無一定成規。不必拘泥。

靈芝仙品也。山中採歸。以蘿盛置。簞上蒸熟。曬乾。藏之不壞。用錫管套根。插水瓶中。伴以竹葉。

冬間插花。須用錫管。不惟不壞。磁瓶即銅瓶。亦長冰凍。執質厚者。尚可。否則破裂。如瑞香梅花水仙。粉紅

山茶。臘梅。皆冬月妙品。插瓶之法。雖曰疏黃。後之不凍。恐亦難敵。惟近日色。兩窗下置之。夜近卧榻。庶

可多玩數日。一法用肉汁去浮油。入瓶插梅花。則芳盡而更結實。

四時花紀

牡丹芍藥建蘭菊花四種 四種品類數多。栽培不易。俱錄全譜。當按譜栽植。以供佳賞。

蘭蘭花三種 三種惟杭城有之花如建蘭香甚一枝一花有紫花黃心有白花黃心者紫若胭脂白如

羊脂花甚可愛出法華山採其原墩者種背陰處可活開花紫白者名蓀葉較蘭稍潤

玉蘭花 花未開者澆以重水則花大而香其瓣擇洗淨潔拖括麻油煎食牡丹新落瓣亦可煎食蜜浸

古名木蘭

迎春花 春首開花故名每於花放時移栽土肥則茂煇牲水灌之則花蕃二月中旬分種

杏花 本有梅杏沙杏之分根生最淺以大石壓根則花盛果結核種

桃花十種 桃花平嘗者亦有粉紅粉白深粉紅三色其外有單瓣大紅千葉紅桃之變也單瓣白桃千

葉碧桃之變也有緋桃俗名蘇州桃花如剪絨者此諸桃開遲而色可愛有瑞仙桃花色深紅花密有

絳桃千瓣有二色桃色粉紅花開稍遲千瓣極雅

山礬花 生杭之西山三月著花細小而繁香馥甚遠故俗名七里香

笑靨花 花細如豆一條千花望之若堆雪然無子可種根窠叢生茂者數十條以原根劈作數墩易活

蝴蝶花 草花儼若蝶狀色黃上有赤色細點濶葉秋時分種

金莖花 一名黃 金莖花如蛺蝶風過花如飛舞搖蕩婦人採之為飭諺曰不戴金莖花不得入仙家

紫荆花 花碎而繁色淺紫每花一蒂若柔絲相繫故枝動朵朵嬌顫不勝俗名怕癢是指此耳亦以根

李花 有青膏李御黃李李之上品也若紫粉小青皆下品也有麥李紅其麥熟而實可食矣俱花小而蕃

映山紅 本名山躑躅花類杜鵑稍大單瓣色淺若生滿山頂其年豐稔人競採之外有紫粉紅二色

鹿蓼花 花儼胡蝶三大圓瓣而三小尖瓣色多藕色中心白地紅黃點點搖風弄影丰韻可人根枝叢

萬莖花 俗名金盞花也色金黃細瓣攢簇自蓋當春初即開獨先眾花

金雀花 春初開黃花甚可愛儼狀飛雀且可采以滾湯著鹽焯過作茶供一品

粉團花二種 蓼葉花開小而色邊紫者為最其白粉團即綉球花也宜種牡丹台處與牡丹同開用為

觀色甚佳俱用八仙花種於盆內削去半邊架起就接

薔薇花

上種

有大紅粉紅二色喜屏結肥不可多腦生秀蟲以熊銀店中爐灰撒之則蟲盡斃正月初

剪枝長尺餘扞種以下數種類此花可蒸茶

寶相花

花較薔薇朵大而千瓣塞心有大紅粉色二種

十姊妹

花小而一倍十花故名其色自一倍中分紅紫白淡紫四色或云色因開久而變有七朵一倍

者名七姊妹云花甚可觀開在春盡

金沙羅

似薔薇而花單瓣色更紅豔奪目

黃薔薇

色蜜花大亦奇種也剪條扞種近廣於昔態嬌韻雅薔薇上品

金鈴盃

似沙羅而花小夾瓣如甌紅鮮可觀

間間紅

花似薔薇色紅瓣短葉差小於薔薇

羊躑躅

生諸山中花大如杯蓋類萼黃色羊食生疾若痢

梨花二種

有臭香二種其梨之沙者花不作氣醉月欹風含烟帶雨瀟灑丰神莫可與伍

郁李花二種

有粉紅雪白二色俱千葉花甚可觀如紙剪裁成者子可入藥

玫瑰花二種

出燕中色黃花稍小於紫玫瑰種紫玫瑰多不久者緣人溺澆之即斃種以分根則茂本

肥多瘁黃亦如之紫者就可作囊以糖霜同搗收藏謂之玫瑰醬各用俱可

麗春花

嬰粟類也其花單瓣瓣嘗飛舞儼如蝶翅扇動亦草花中之妙品也

錦帶花

花開倍繁奇愛形如小鈴色粉紅而嬌植之屏籬可折供玩

水香花三種

花開四月水香之種有三其最紫心白花香馥清潤高架萬條望若香雪其青心白水香

黃水香二種皆不及也亦以剪條插種不甚多活以條插入土中一段墜泥伺月餘

棟棠花

花若金黃一葉一蕊生甚延蔓春深與薔薇同開可助一色

根長自本生枝外剪斷後栽可活

辛夷花 花如蓮外紫內白。蕊若筆尖。故名木筆。一名望春。俗名猪心本。可就接玉蘭。

紫丁香花 水本花如細小丁香而瓣紫色。紫接當而生。接種俱可。自是一種。非瑞香別名。

野薔薇花二種 色有雪白粉紅二種。采花拌茶。瘧疾烹食即愈。

茶靡花二種 大朵色白。千瓣而香。枝梗多刺。詩云。開到荼靡花事了。為當春盡時開耳。外有蜜色一種。

金絲枕花 花如桃而心有黃鬚。鋪散花外。若金絲然。亦以根下劈開分種。

海棠花七種 海棠有銹梗。色如殊紅。有木瓜粉紅。有西府。有樹海棠二種。一紫一白。有垂絲海棠。吐絲。

美甚。冬至日用糟水澆。則來春花盛。若秋海棠。嬌治柔軟。真同美人倦妝。此品喜陰。一見日色即瘁。九月收枝上黑子。撒於盆內地上。明春發枝。當年有花。老根過冬者。花發更茂。

繡絲花 花葉儼似玫瑰。而色淺紫。無香。枝生刺針。時至煮繭。花盡開放。亦以根分。

結香花 花色鵝黃。較瑞香稍長。花開無葉。花謝葉生。枝極柔軟。多以蟠結上盆。香色俱無。可取。

枳殼花 藥花類。有可觀者。若菜。花細而香。聞之頗鬱結。離傍種之。實可入藥。

橙花 花細而白。香清。可人。以之蒸茶。向為龍虎山進御絕品。園林種之。可收作此。橙用更多。

紅蕉花二種 種盆短蕉。即芭蕉。所出者。掘起根。補土。種自東粵來者。名美人蕉。其花開若蓮。而色紅若。

丹中心 一朵曉生甘露。其甜如蜜。即膏芭蕉。亦開黃花。至曉辦中。甘露如餡食之止渴。

海桐花 花細白如丁香。而臭味甚惡。遠觀可也。

金錢花 俗名夜。出自外國。梁時外國進花朵如錢。亭亭可愛。簪魚弘以此賭賽。謂得花勝得錢。可為好。

之極矣。

史君子花 花如海棠。柔條可愛。夏開一族。葩豔輕盈。作架植之。蔓延若錦。

杜鵑花三種 有蜀中者。佳謂之川鵑。花內十數層。色紅甚。出四明者。花可二三層。色淡。總名杜鵑。晝陰。

惡肥。天旱以河水澆之。樹陰下放置。則茂。葉色青翠。可觀。有黃白二色。奇甚。

茉莉花二種 有千葉初開時花心如珠有單瓣者喜肥以米泔水澆之則花開不絕或皮屑浸水澆之亦可又云宜糞但欲加土壅根為妙惟難過冬若天色作寒移至南牕下每日向陽至十分乾燥以水微濕其根或以朝南屋內泥地上掘一淺坑將花缸存下以缸平地上以篾籠罩花口傍以泥築實無隙通風此最妙法也至立夏前方可去罩盆中周遺去土一層以肥土填上用澆之并發方灌以糞次年和根取起換土栽過無不活者如此收藏多年可延又云賣花者惟欲花瘁其中有說夏間收回即換土種之去其故土礮糠亦是一法

凌霄花 蔓生花黃用以蟠繞大石似亦可觀花能墮胎

吉祥草花 吉祥草易生不拘水土中石上俱可種惟得水為佳用以拌孤石靈芝清甚花紫倍生然不

易發如家居種之有花似云吉祥

真珠蘭花 真珠蘭色紫蓓蘂如珠花開成筵其香甚穠以之蒸牙香棒香名曰蘭香者非此不可廣

中極盛携至南方則不花矣又名魚子蘭

月季花二種 俗名月月紅凡花開後即去其蒂勿令長大則花隨發無已二種雖雪中亦花有粉白色

者甚奇月季非長春另是一種按月發花色相妙甚

秋牡丹花 草本偏地延蔓葉肖牡丹花開淺紫黃心根生分種

朱蘭蕙蘭二種 花開肖蘭色如渥丹葉潤而柔粵種蕙葉細而長一梗八九花朵臭味不佳俗名九節蘭也

練樹花 苦練發花如海棠一倍數朵滿樹可觀

挂蘭二種 產浙之溫台山中岩壑深處懸根而生故人取之以竹為絡挂之樹底不土而生花微黃

肖蘭而細不可缺水時當取下水中浸濕又挂亦奇種也閩粵一種紅花黃邊紫粉心者美甚

淡竹花 花開二瓣色最青翠鄉人用綿收之貨作盡燈青色并破綠等用

金燈花二種 花開一簇五朵金燈色紅銀燈色白皆蒲生分種

紫羅欄花 草本色紫翠如鹿茵花秋深分本栽種四月發花可愛

四季花 花小葉細色白午開子落自三月開至九月其枝葉搗汁可治跌打損傷又名接骨草剖根分

剪秋羅花五種 花有五種春夏秋冬羅以時名也春夏二羅色黃紅不佳秋冬紅紫色美亦在春時分

種喜肥則茂又一種色金黃美其名金剪羅

含笑花 產廣東其花如蘭形色俱肖花開不滿若含笑然隨即凋落余初得自廣中僅高二尺許今作

拱把之樹矣不甚懼冬

紫微花五種 紫色之外有大紅色有白色有粉紅色有茄色

榴花八種 燕中有千瓣白千瓣粉紅千瓣黃大紅者比他處不同中心花瓣如起樓台謂之重台石榴

花頭頗大而色更紅深余曾四種俱帶回杭至今芳郁有四色單瓣

蓮花六種 紅白之外有四面蓮千瓣四花兩花者名並蒂總在一蕊發出有重蓮開花謝後蓮房中復

吐花英亦奇種也有黃蓮又云以蓮子磨去頂上些少浸醃缸中明年清明取起種之花開青色有此法而未試

佛桑花四種 有大紅有粉紅有黃有白四色自四月開至十月方止花之可愛妙莫與比但無法可令

過冬是大恨也

罌粟花三種 罌粟千瓣五色虞美人瓣短而嬌滿園春夾瓣飛動俱以子種在八月中秋日下土宜大

肥則明年夏月花茂否不及矣亦宜蓋以毛灰免令蟲食其子

夾竹桃花 花如桃葉如竹故名然惡濕而畏寒十月初宜置向陽處放之喜肥不可缺壅

玉簪花二種 春初移種肥土中則茂其花瓣拖麪入少糖霜煎食香清味淡可入清供紫者花小葉上

黃綠間道喜水分種盆石栽之可玩

種盆荷花 老蓮子裝入雞卵殼內將紙糊好開孔與母雞泥漿子中同伏候離出取開收起蓮子先以王門冬為末和羊毛屑拌泥安盆底種蓮子在內勿令水乾則生葉開花如錢大可愛

指甲花 生杭之諸山中。花小如蜜色而香甚。用山土移上盆中。亦可供玩。
梔子花 三種。有大花者。結山梔甚賤。有千葉者。有福建矮樹梔子可愛。高不盈尺。梅雨時。隨手剪杆肥土俱活。

火石榴花 三種。上盆小株。花多色紅。有粉紅白色三種。甚奇人目。然無他法。以其嫩頭長出摘去。烈日當午。以水澆之。則花茂肯發。是即大株。分本外有細葉一種。亦佳。

慈菇花 水中種之。每窠花挺一枝。上開數千葉。色香俱無。惟根至秋冬。取食甚佳。

鼓子花 花開如拳。不放頂帳。如缸鼓式。色微藍。可觀。又可入藥。

孩兒菊 花小而紫。不甚美觀。但其嫩頭揉軟。置之髮中。衣帶香。可辟汗作氣。夏月一種佳草。有二種。梗紫者香甚。

紫花兜 偏地叢生。花紫可愛。柔枝嫩葉。摘可作蔬。春時子種。

夜合花 二種。紅紋香淡者。名百合。蜜色而香濃。日開夜合者。名夜合。分二種。根可食。一年一起去。其最

大者。供食小者。用肥土排之。則春發如故。

番山丹花 有二種。一名番山丹。花大如盞。瓣俱倦轉。高可四五尺。一種花如珠砂。本止盈尺。茂者一幹

兩三花朵。更可觀也。亦須每年八九月分種。方盛。

石竹花 二種。石竹二種。單瓣者名石竹。千葉者名洛陽花。二種俱有雅趣。亦須每年起根。分種則茂。

紅豈花 花開一穗。十莖疊。莖下垂。色妍桃杏。其葉瘦如蘆。亦可觀也。

戎葵 即蜀葵 出自西蜀。其種類似不可曉。地肥善灌。花有五六十種奇態。而色有紅紫白墨紫深淺桃紅

加紫。穠色相間。花形有千葉。有五心有重台。有剪絨。有細瓣。有鋸口。有圓瓣。有五瓣。有重瓣。種種莫可

名狀。但收子以多為貴。八九月間鋤地下之。至春初刪其細小。單襍者。另種餘留本地。不可缺。肥五月

繁華草過於此。

紅麥 麥種花妙如剪子大於麥數倍色紅可愛

錢葵即錦花葉如葵稍矮而叢生花大如錢止有粉間深紅一色開亦耐久

萱花三種俗名焉有三種單瓣者可食千瓣者食之殺人惟色如蜜者香清葉嫩可充高齋清供又可

作蔬食之不可不多種也且春可食苗夏可食花比他花更多二事

山丹花三種 花如朱紅外有黃色有白色花者二種稱奇亦在春時分種

雙鸞菊 草本挺生花開多甚每朵頭若尼姑帽然拆去此帽內露雙鸞僅首形似無二外分二翼一尾

天巧之妙何肖生物至此根可入藥名曰烏頭春分根種

芙蓉花四種 有數種惟大紅千瓣白千瓣半白半桃千瓣醉芙蓉朝白午桃紅晚改大紅者佳甚不必

力根記在十一月中將嫩條剪下砍作一尺一條向陽地上屈坑埋之仍以土掩至正月後起條遍插

水邊林下無不活者當年即花

蓼花 花開倍藥而細長二寸枝枝下垂色粉紅可觀惟水邊更多故俗名水紅花也花葉用以煎汁洗

脚瘋瘡良

金鳳花六種 金鳳花有重瓣單瓣紅白粉紅紫色淺紫如藍有白瓣上生紅點凝血俗名洒金六色花

開一落即去其蒂則花茂與月季同法其子可收入藥作種

十樣錦四種 十樣錦枝頭亂葉有紅紫黃綠四色故名其雁來紅以雁來而色嬌紅老少年至秋深腳

葉深紫而頂紅少年老頂黃而葉綠收子撒於耨熟肥土中加毛灰蓋之恐防蟻食二月中即生

雞冠花四種 雞冠有掃帚雞冠有扇面雞冠有紫白同蒂名二色雞冠扇面者以矮為佳帚樣者以

高為趣然下子時撒高則高撒低則低也若三色雞冠一朵同蒂色分紫白粉紅亦奇種也俱收子種

金銀蓮花二種 潮中甚多園林盆泥蓄水種之但取二色重台者可愛

纏枝牡丹花 桑枝倚附而生花有牡丹態度甚小纏繡小屏花開爛然亦有雅趣

木樨花四種 有四種金黃花白花黃花結子四季花惟金桂為最葉邊如鋸齒而紋麗者其花香甚灌以猪糞則茂以猪糞則茂蚤沙壅之亦可

槿花二種 籬槿花之最惡者也其種外有千瓣白槿大如勸杯有大紅粉紅千瓣遠望可觀即南海朱槿那提槿也且插種甚易

木樨花 花色如蜜香與木樨同味但草本耳亦在二月分種一名指甲用葉搗加礬泥深指紅於鳳仙葉

秋葵花 色蜜心紫秋花朝暮傾陽此葵是也秋盡收子移種

白菱花 木本花如千瓣菱花葉同梔子一枝一花葉托花朵七八月開色白如玉可愛亦接種也

茗花 即食茶之花色月白而黃心清香隱然瓶之高齋可為清供佳品且莖在枝條無不開偏

茶梅花 開十一月中正諸花凋謝之候花如鵝眼錢而色粉紅心黃開且耐久望之雅素無此則子月

虛度花

梅花七種 尋常紅白之外有五種如綠萼蒂純綠而花香亦不多得有昭水梅花開朵朵向下有千瓣

白梅名玉蝶梅有單瓣紅梅有練樹接成墨梅皆奇品也種種可觀

蠟梅花三種 今之狗英臘梅亦香但臘梅惟圓瓣如白梅者佳若瓶一枝香可盈室余見洪忠宣分山

近有之後竟滅歟今之元瓣臘梅皆如荷花瓣者辦有微尖僅免狗英則可客云楚中荆襄產者最佳

想忠宣宅中亦得自彼處故今不復見也

山茶花六種 別名甚多以可觀如磨口外有粉紅者十月開二月方已有鵝頂茶如盞大紅如羊血中

心塞滿如鶴頂來自雲南名曰滇茶有黃紅白粉四色為心而大紅為盤名瑪瑙山茶花極可愛產自

浙之溫郡有白寶珠九月發花其香清可嗅

番椒 叢生白花子儼秃筆頭味辣色紅甚可灌一種

水仙花二種 有二種單瓣者名水仙千瓣者名玉玲瓏又以單瓣者名金盞銀台因花性好水故名水

仙單瓣葉短而香可愛用以盆種上凡其法云五月不在土六月不在房栽向東籬下花開朵朵香五月取起以人溺浸一月六月近灶處置之七月種則有花甚不然也余曾為之無驗且杭之近江水處菜戶成林種者無枝不花未嘗用此法也惟土近瀟湘則花茂

瑞香花四種 有紫花名紫丁香有粉紅者名瑞香有白瑞香有綠葉黃邊者名金邊瑞香惟紫花葉厚

者香甚他如桂林有象蹄花似槐枸那花類白鶴花上元花時開似茶花素色俱名花惜不可得 百花之外更有結子花草青紅倍藥可移盆中蟠簇雖嚴冬不凋者有二十二種俱堪齋頭清玩并錄附之外此他省所產更多未見者不錄

虎茨 產杭之蕭山白花紅子而子性甚堅雖嚴冬厚雪不能敗也畏日色百年者止高二三尺不甚易

枸杞子 諸小中有之老本虬曲可愛結子紅甚點點若綴雪中可觀

地珊瑚 產鳳陽諸郡中藤本其子紅亮克肖珊瑚狀若笔尖下懸不畏霜雪初青後紅收子可種又名

海瘋藤子未詳

茅藤葉 藤本亦可移植盆中結縛成蓋其子紅甚柔挂藥藥甚可人目

雪下紅 一種藤本生子類珠大若芡實色紅如日榮榮下垂積雪盈顆似更有致故名

野葡萄 生諸山中子細如小豆色紫倍藥而生狀若葡萄蟠之高樹懸挂可觀

山梔子 大葉梔子花至秋結子儼狀薔薇花蕊經霜由黃而紅盆種插瓶可助十一月中無花之趣

金燈 草本結子儼若燈籠薄衣為罩內包紅子大若龍眼去衣看子俱可

無花菓 木本不花生菓狀若林擒色青可久收菓陰乾燒灰治痢甚良

羊婆奶 木本細葉其子狀乳頭藥藥而生入口酸甜可食色帶青紫

關天竹 生諸山中葉儼似竹生子枝頭成穗紅如丹砂經久不脫且耐霜雪植之庭中可避火災

金豆橘 橘種生子一蠶豆秋深顆若金樹小子子多清玩妙品可入糖蜜供食

牛奶橘 生子儼同牛奶秋時結實看至明年三月子尚垂金不落收入蜜食生可食皮

金彈橘 橘種子生若彈丸而色紅冬殘收以充供

天茄兒 草本狀若茄子差小色青長寸許熟時株以鹽湯焯過可供茶品甚佳

平地木 高不盈尺葉色深綠子紅其若棠梨下綴且托根多在歐蘭之傍岩壑幽處似更可佳

霸王樹 產廣中本肥狀生如掌色翠綠上多米色點子葉生頂上稱為奇樹可也

錦荔枝 草本藤蔓種盆結縛成蓋生果若荔枝少大色金紅肉甜可食子入藥用

盆種小葫蘆 以葫蘆秧種小盆得土甚淺至秋結子形僅寸許擇其周正者止留一枝垂挂可觀霜後

收乾佩帶用為披風鈕子有物外風致但難於成功亦難美好為可恨也

青珊瑚 產廣中結寔如珊瑚鈎色青翠可觀

鐵樹 產廣中色儼類鉄其枝了穿結甚有書意又聞有鉄樹花葉密而花紅想又一種也未見

種大葫蘆 先春以肥糞壤土堆疊尺厚將大葫蘆子種入土內相去三四寸埋一二粒待苗長三五尺

時內選本粗一株作主次將傍株去皮一片二株結縛若就花法以泥塗封稍長去其皮苗留本又將

傍株再就以三株根并作一株延蔓則三本之力歸一苗矣其結寔成形又悉刪去眾多止留壯者一

枚至秋成寔大非尋常數倍用作酒樽攜帶山游誠物外清品宜多種之擇其形似完整可用

花竹五譜

高子曰花品若牡丹芍藥蘭竹菊類俱有全譜即余所編菊譜名曰三徑怡閑錄是也不能全舉以煩

卷帙聊述諸譜切要併種花襍說錄為山人園圃日攷不敢云備要亦不外是也款花者當自取裁

後肥鬆根土以宿糞濃澆一次二次餘澆河水春分後不可澆水待穀雨前又澆肥水一次宜澆不宜

聚六月暑中不可澆水旱則以河水黑旱澆之不可濕了枝葉北方土厚不宜糞澆亦不宜井水此澆花法也

培養法

八九月皆用好土。根上如前法培壅一次。比根高二寸。須隔二年。一培穀雨時設簿遮蓋。日色雨水勿令傷花。則花久。花落即前花枝嫩處一二寸。六月時亦須設簿。勿令晒損花芽。冬以草薦遮雪。此培養法也。

治療法

冬至前後以鍾乳粉和硫黃一二錢。掘開泥培之。則花來春大盛。種時以白飯拌土。欲絕蟻螬土蠶食根。有蛀眼處以硫黃末入孔。杉木削針針之。蟲斃。若有空眼處折斷捉蟲。亦一法耳。此治療之法也。

牡丹花忌

春芽發葉長。是子活矣。六月須備箔遮。夜則受露。二年八月移栽別地。則茂。此護子法也。

分花法

揀大墩茂盛花本。八九月時全墩掘起。視可分處剖開。兩邊俱要有根易活。用小麥一握拌土栽之。花茂。此分花法也。

接花法

芍藥肥大根如蘿蔔者。擇好牡丹枝芽。取三四寸長。削去遍如蠶子形。將芍藥根上開口插下。以肥泥築緊。培過一二寸即活。又以單瓣牡丹種法。根上去土二寸許。用礪石斜去一半。擇千葉好花嫩枝頭有三五眼者一枝。亦削去一半。兩合如一。用麻縛定。以泥水調塗麻外。仍以瓦二塊合圍填泥。待來春花發去。瓦以草席護之。茂即有花。此接花法也。

灌花法

灌花須早。地涼不損根枝。八九月五日一灌。積久雨水為妙。立冬後三四日一澆。糞水。十一月。

牡丹花譜

種牡丹子法

六月時候看花上結子微黑將皺開口者取置向風處晾一日以瓦盆拌濕土盛起至八月取出以水沉試況者開畦種之約三寸一子待來春當有得花

牡丹所宜

牡丹宜寒惡熱宜燥惡濕根窠喜得新土則旺懼烈風炎日栽宜寬敞向陽之地為牡丹所宜

種植法

栽宜八月社前或秋分後三兩日若天氣尚熱遲遲亦可將根下宿土緩緩掘開勿傷細根以漸至近每本用白歛細末一觔一云疏黃脚末二兩猪脂六七兩拌土壅入根窠填平不可太高亦不可築實脚踏填土完以雨水或河水澆之滿台方止次日土低凹又澆一次填補細泥一層若初種不可太密恐花時風鼓互相抵觸損花之榮此為種花之法也其種子落地直至北方地厚忌灌肥糞油執肥壅忌觸麝香桐油漆氣忌用熱手搓摩搖動忌草長膝纏以奪其土氣傷花四傍忌踏實便地氣不升忌初開時即便採折令花不茂忘人以烏賊魚骨針刺花根則花獎凋落此牡丹之所忌也

古毫牡丹花品目

黃類

大紅類

曹縣狀元紅千葉廬子宜

大紅剪絨紅千葉廬子宜

金絲大紅千葉廬子宜

錦袍紅千葉廬子宜

七寶冠千葉廬子宜

桃紅類

御衣黃千葉色

大紅舞青猊千葉廬子宜

金花狀元紅千葉廬子宜

大紅繡球紅千葉廬子宜

羊血紅千葉廬子宜

醉胭脂千葉廬子宜

魏紅千葉

淡鵝黃初開微黃色如新為黃後漸

石榴紅千葉廬子宜

大紅西瓜穰千葉廬子宜

珠砂紅千葉廬子宜

九蕊珍珠紅千葉廬子宜

大葉桃紅千葉廬子宜

壽安紅千葉廬子宜

壽安紅千葉廬子宜

桃紅舞青猊十葉瘦子中出五青瓣

醉桃仙紅葉花河南名睡子綠宜陽

蓮蕊紅紅葉瘦子宜陰

陳州紅紅葉瘦子宜陰

桃紅鳳頭紅葉花

花紅繡球紅葉花

西子紅紅葉花

粉紅類

玉兔天香二種一早開二晚開

赤玉盤紅葉花

觀音面紅葉花

玉樓春紅葉花

一百五紅葉花

三學士紅葉花

紫類

即黑紫紅葉花

徐家紫紅葉花

紫羅袍紅葉花

淡藕絲紅葉花

美人紅紅葉花

海天霞紅葉花

桃紅西香紅葉花

嬌紅樓台紅葉花

嬌紅紅葉花

紫玉紅葉花

玉芙蓉紅葉花

同粉西施紅葉花

同粉嬌娥紅葉花

粉嬌娥紅葉花

鶴翎紅紅葉花

合歡花紅葉花

壽春紅紅葉花

皺葉桃紅葉花

桃紅西瓜紅葉花

桃紅線紅葉花

輕羅紅紅葉花

醉嬌紅紅葉花

海雲紅紅葉花

素鸞嬌紅葉花

醉楊妃紅葉花

粉西施紅葉花

西天香紅葉花

醉春容紅葉花

倒蜜檀心紅葉花

殿春芳紅葉花

梅紅平頭紅葉花

翠紅妝紅葉花

四面鏡紅葉花

淺嬌紅紅葉花

出莖紅桃紅葉花

水紅球紅葉花

醉西施紅葉花

彩霞紅紅葉花

醉玉樓紅葉花

肉西施紅葉花

葉底紫紅葉花

平頭紫紅葉花

紫繡球紅葉花

紫雲芳紅葉花

紫姑仙紅葉花

瑞香紫紅葉花

腰金紫紅葉花

白舞青猊紅葉花

萬卷書紅葉花

燕聞清賞

上海江左書林印行

玉重樓 千葉 樓子宜陰

白剪絨 千葉 年頭解上如裙

玉天香 千葉 粉白

青心白 千葉 心青

平頭白 千葉 威者大尺

芍藥譜

無瑕玉 千葉

玉綉球 千葉

伏家白 千葉

金絲白 千葉 白色

水晶毬 千葉 粉白

慶天香 千葉 粉白

玉盤盂 千葉 頭大瓣

鳳尾白 千葉

佛頭青 千葉 樓子 有綠色 汴名 綠胡蝶 西名 鴨蛋青

綠邊白 千葉 有綠色

羊脂玉 千葉 樓子

蓮香白 千葉 蓮花 香亦如之

遲來白 千葉

本草亦名黑牽連

韓詩曰芍藥離草也詩云伊其相謔贈之以芍藥牛亨問曰將離相贈以芍藥者何也

董子答曰芍藥一名可離將別故贈之亦猶相招贈之以文無故文無一名當歸芍藥榮於仲春華於孟

夏傳曰鶯鶯之節後二十有五日芍藥榮是也素問王水注雷乃較散之下有芍藥榮芍藥香草制食之

毒者莫良於芍藥故獨得藥之名所謂芍藥之和具而食之咤屢真氏曰草謂之榮與此不同况今芍藥

四月始榮故知其偽也其華有至千葉者俗呼小牡丹今群芳中牡丹品第一芍藥品第二故世謂牡丹

為花王芍藥為花相又或以為花王之副也

崔豹古今注云芍藥有二種有草芍藥有木芍藥木者花大而色深俗呼為牡丹非也安期生服鍊法

云芍藥有二種有金芍藥有木芍藥金者色白多脂木者色紫多脉此則驗其根也

種法 種法以八月起根去土以竹刀剖開勿傷細根先壤猪糞和龍糠黑泥入盆分根栽種勿密更以人糞灌

之來春花發極盛然須三年一分俱以八月為候所為芍藥洗脚是也

培法 種後以十一月用雞糞和土培之仍澆以黃酒一度則花能改色開時須以竹條扶之不令傾側有雨

則以薄遮蔽免速零落勿犯鐵器